

臨城縣志卷之七

藝文志

誥勅

奏疏

臨塞

詩賦

章爲載道之器詩歌亦情性所將凡詔璽書如綸
如綍百爾咸沐寵光忠言讜論愛國愛民千載尚存
氣節可勿錄歟至紀傳以詩入碑碣以述事亦一時
得失興廢之林也卽如登高作賦撫景言懷采風者
猶將及之豈直爲山川生色也哉次藝文

晉陵楊寬識

誥勅

制曰國家量德授任弼成治功推恩之典視其子孫
祿職以爲等差所以勸忠於孝也南京工部右侍
郎楊和故祖父從善積善於躬慶於後厥有賢
孫顯於邦家揆厥所原宜有褒贈是用贈爾爲嘉
議大夫南京工部右侍郎顯秩榮名永賁泉壤

制曰國家登進賢能用圖治化褒封之典及其祖
勸忠於孝厥有舊章南京工部右侍郎楊和故祖
妣謝氏婦德姆道垂裕於家乃有賢孫顯庸於國

是用贈爾爲淑人尚啓爾後克諧厥終

制曰朕惟積善在躬慶聖於後效庸於世寵及其先
蓋天之報施由本達文國家褒崇沂流而源也爾
京工部右侍郎楊和故父顯忠潛德弗耀爲時善
人篤生令子貳佐冬官茲特贈爾爲嘉議大夫
京工部右侍郎尚其欽承用光世祚

制曰朕惟賢才效庸於國亦典視子孫之祿秩所以
隆恩禮昭善教也爾京工部右侍郎楊和故母

氏恒德

子顯用於時宜有

贈爾爲淑人服此恩榮昭於永世

制曰工部掌百工山澤之政令其爲務實繁而南京
材用所聚其務尤繁具卿及其貳佐必爲慎擇乃
克稱職爾嘉議大夫南京工部右侍郎楊和育和
易之資謙恭之行初爲給事中事我皇考克效等
勤擢~~或~~冬官薦歷年歲久而不懈厥績用著朕良
嘉之茲特錫之誥命爾尚益敬厥德益懋厥庸慎
終如初光我榮命欽哉

洪熙元年正月二十五日

制曰地官司國計掌錢糧而實生民休戚所係故置
屬特詳焉苟非得人奚稱任使爾戶部貴州清吏
司員外郎薛幹登名進士擢職行人暨遷今宮
勤且慎是用進爾階奉直大夫錫之誥命以為
榮爾其益秉廉公以勵志節尚圖後效稱此茂恩
欽哉

制曰夫婦人之大倫故朝廷推恩群臣命必及之爾
戶部清吏司員外郎幹之妻張氏克勤內助特封
為宜人祇服榮恩永光閨闈

天順二年四月十七日

制曰人子之志孰不欲顯揚其親必能效職於國
家者乃獲推恩以酬之所以體其心而勸孝也爾
散官岳成乃中城兵馬指揮司副指揮麒之父善
積於躬慶延厥子養雖弗逮恩則宜頒茲特贈爲
文林郎中兵馬指揮副指揮九原石輝尚克歆服
勅曰母之賢於子徵之故緣子貴母國有令典朕奚
靳焉爾郭氏乃中兵馬指揮司副指揮麒之母躬
著母儀訓成令子爰頒寵命用勵顯揚茲特贈爲

孺人其慰往靈永光來裔

嘉靖十一年十月初四日

勅戶部主事李世藩先該巡撫山西都御史等官奏
稱偏頭寧武鴈門三關等處倉場邊餉錢糧數目
原設有州官一員管理緣官卑青輕人心不服以
致積弊滋蔓事無統紀又寧武關在二關適中之
地有庫藏公館要得改設主事一員總司出納之
任使二關各營堡官軍領錢糧往來而便等因該
部議覆特允所請今合將

三關糧儲收受各府州縣解到錢糧斟酌本折坐
放各衛所司隊官軍俸糧草料及因時因地酌量
主客兵馬糴買糧料草束支用凡合行事宜有應
與撫按官計議者亦須計處停當勅內該載未盡
者悉照該部原擬施行所屬有司衛所官吏人等
敢有不遵約束並豪強之家包攬作弊等項輕則
徑自拿問重則奏聞處治候三年滿日將任內糴
買過糧草收放過錢糧數目造冊奏繳青冊送部
查考爾膺此邊計須持廉秉公正已率下務俾積

弊肅清新政修舉庶
副委任如或怠緩誤事責有
所歸爾其欽承之教勅

嘉靖四十一年三月二十五日

制曰士有效於時而志不盡究厥嗣有興者乃克光
顯之天道福善之休朝廷待臣之厚蓋交相成也
爾故山西孝義縣儒學教諭趙錫乃山東濮州知
州世相之父潛心理學勵志詩書毓秀茂才入官
司訓邊邑聿彰夫聲教官紀名流廬墓獨深於孝
思鄉崇賢祀教子登顯尤徵義方茲特贈爾奉

大夫山東東昌府濮州知州於獻善積懿繼仁心
有後雖未祿養而亦既食報矣爾其歆服之哉
制曰夫父母之於子俱有罔極之恩焉藝教之感古
今所同也國家體人情以率下故追恤之命靡不
覃施爾楊氏乃山東東昌府濮州知州趙世相之
母溫惠貞貞慈慎婉淑相夫以敬而克振其業教
子以義而不溺於慈子今顯榮祿養弗逮朕甚愍
焉茲特贈贈爲宜人 不昧者靈有稽斯泥

制曰環畿百里之廣而有州州有長上承省郡下

諸邑得收其民而安輯之任亦重矣乃茲蒙號
劇土瘠民饑雖有治才詎可輕畀爾山東東昌府
濮州知州趙世相蔚以文學擢茂鄉闈知爾敏修
授之州牧乃能開田野興學校恤流移輕徭役愛
民若子德政久著於輿評處國知家才譽頗馳於
薦廣庶幾國之禎良民之父母也茲以覃恩特授
爾階奉直大夫錫之誥命於戲居官以盡職爲忠
已殺善積保壽以令終爲善勿替初心茲懋勲庸
嗣膺顯擢欽哉

制曰詩人有雞鳴雜佩之詠士君子獲聞達於時者
必有閨闈儆戒之助故綸命每並及之此令典也
爾山東東昌府濮州知州趙世相妻李氏出自聞
閥歸於德門勤儉敬恭壺窋允協爾夫服官於外
而私家罔念惟爾實能相之爰錫寵命以彰化本
茲特封爾爲宜人匪惟頒從爵之榮亦以表宜家
之則

隆慶元年三月十七日

勅山西按察司僉事趙世相
寧武關地方適當北

要衝不可不嚴爲之備今特命爾前去整飭彼處
兵備駐劄寧武關分管八箇利民神池寧武四守
備並中路叅將地方兵馬平時則專一修繕牆墩
整飭兵馬計處錢糧防秋則各照汛地監督將領
巡視堡砦收斂人畜查革奸弊紀驗功罪一應有
司軍衛事務悉聽施行其巡議屯田等項爾卽查
照該部題准事理着實舉行爾受茲委任須持廉
秉公修舉武備務使邊方寧謐寇盜屏息斯稱任
使如或因循怠忽致誤邊事責有所歸爾其欽承

之故勅

隆慶五年二月十九日

勅曰詩云愷悌君子民之父母夫令有能爲朕子民
者朕於其父母顯揚之恩曷靳乎爾喬輔世乃河
南開封府中牟縣知縣壁星之父蔚表儒林卓爲
高士克昌賢嗣效績清時睠惟牧邑之良實本過
庭之訓茂膺祿養旣壽且康茲封爾爲文林郎河
南開封府中牟縣知縣服龍章式昭燕翼
勅曰古稱及親而仕三釜爲悅乃若俱存遂樂而並

命馳榮豈非臣子尤幸與爾王氏乃河南開封府
中牟縣知縣喬壁星之母秉德儉勤從躬淑慎相
夫偕老勗子能官用表徽音均敷彝典茲封爾爲
儒人荷綸綍之載揚彰底闡之咸慶

勅曰朕嘉與四方長吏茂臻康乂之效有能奉職循
理績敘登聞者特下璽書褒顯之爾河南開封府
中牟縣知縣喬壁星器資端雅才識練明軒對掄
英邑符試政撫字澤翔於百里廉平聲著於一方
薦績交揚課任異等茲特爾出文林郎錫之勅令

朕覽古良吏想見其人爾在事有聲庶幾踵其芳
蹤光於往喆尚益懋乃猷崇乃績朝廷將有不次
之擢焉欽哉

勅曰錫命酌膺暨厥閭閻卽旣歿不遺焉嘉其相成
而酌其往勛也爾河南開封府中牟縣知縣喬壁
星妻陳氏夙有令範孀於哲人秉德無違降年弗
永匪頒新渥曷表舊勞是用贈爾爲孺人歆茲顯
綍賁爾幽扃

萬曆十二年十月二十日